

Nunamut Namminermut, Pinngortitamut Avatangiisinullu Naalakkersuisoqarfik

Aatsitassanut Ikummatissanullu Pisortaqarfik

Att. Maja Sofie Burgaard

Baffin Bugtimi pisinnaatitsissut 2011/13-imi 3D-mik sajuppillatsitsisarnernit katersinissamut EIA-mut tunngatillugu NNPAN-ip tusarniaanermut akissuteqaataa

Nunamut Namminermut, Pinngortitamut Avatangiisinullu Naalakkersuisoqarfiup (NNPAN), 3D-mik sajuppillatsitsisarnerni katersinissamut (pisinnaatitsissut 2011/13) EIA pillugu tusarniaaneq ulloq 13. maj 2011 tiguaa.

Sumiiffik qinnuteqaatigineqartoq Baffin Bugtimi Pitu-mi pisinnaatitsissuteqarfimmi inissisimavoq.

Misissuinerimi piffissaq atorneqartussatut naatsorsuutigineqartoq 2011-imi juunip aggustillu akornanniippoq. Misissuinerit ullunik 35-inik sivissuseqassasut naatsorsuutigineqarpoq.

Nalinginnaasumik

Aatsitassarsiornermik ingerlatanit sunilluunniit tamanit imaani uumasut miluumasut uumasullu allat pisariaqanngitsumik akornusersorneqannginnissaat NNPAN-ip pingaartittorujussuuaa. Tassunga atatillugu NNPAN-ip qinnutigissavaa sajuppillatsitsisarlu misissuinerit ingerlaneranni avatangiisit pinngortitarlu sumiiffiup eqqaaniittoq immikkut eqqumaffigineqassasoq. Sajuppillatsitsisarlu misissuinerit ingerlaarfissat uumasunik pisariaqanngitsumik sunniisussaannngitsumik pilersaarusioneqartassasut NNPAN-ip nalinginnaasumik kissaatigisorujussuuaa.

NNPAN-ip erseqqissassavaa ingerlatseqatigiiffiup sumiiffik eqqissisimatitaasoq kiisalu Qimusseriarsuarmi avatangiisit eqqaanniittut immikkut eqqumaffigissagai. Sumiiffik qilalukkanut qernertanut, qilalukkanut qaqqortanut, nannunut aammalu timmissanut imarmiunut immikkut pingaaruteqarpoq. NNPAN-ip qinnutigissavaa ingerlatseqatigiiffik Qimusseriarsuarmi sumiiffinnut immikkut malussajaususunut qanillissanngitsoq.

Sajuppillatsitsisarlu misissuinerit atatillugu uumasunik annikinnerpaamik sunniinissaq qulakkeerniarlugu NERI-p malittarisassai atorneqarniarmata, NNPAN-ip nuannaarutigaa. Sajuppillatsitsisarlu misissuinerit ingerlaneranni arriitsumik aallartitsisarnerit atorneqarnissaat aammalu sumiiffimmi misissuiffiusussami imaani uumasut miluumasut immikkut eqqumaffigineqarnissaannut MMO-mik (imaani uumasunik miluumasunik alapernaarsuisussaq) ilaasoqarnissaa aamma uumasunik takunnittoqarpat qanoq iliortoqartarnissaanut ersarissunik malittarisassaqaarnissaq immikkut pingaaruteqarpoq.

Ingerlatseqatigiiffiup MARPOL 73/78-imi malitassanik naammassinnittussaanera aammalu eqqagassalerinermi imikumillu passussinermi avatangiisitigut eqqortumik passussinissaa NNPAN-ip eqqaamaqquaa. Aammattaq nunani tamalaani maleruagassat tamarmik aamma imaani avatangiisit pillugit

isumaqatigiissutit malinneqassasut NNPAN-ip naatsorsuutigaa, taamatullu aamma imaani avatangiisit illersorneqarnissaat pillugu Inatsisartut peqqussutaata nr. 4, 3. november 1994-imeersup malinneqarnissaa naatsorsuutigineqarpoq.

Immikkoortunut ataasiakkaanut oqaaseqaatit

Immikkoortumi arfivinnut aamma qilalukkanut qaqortanut tunngasumi qupperneq 7-6-imiittumi allassimavoq "However, the survey is planned to start between June and August and **so noise from the seismic survey will not occur for at least half of the migration period.**" NNPAN isumaqarpoq piffissap ilaannaa uumasut sumiiffimmiittussaagaluartut, uumasut sajupillatsitsisarlunga misissuinernit akornusersorneqarsinnaanerat sulii ajornartorsiutaasoq.

Oqaaseqaatit aamma taakkua assigi qupperneq 7-9-mi immikkoortumut uunga atuupput: "The migratory routes of whales through the area in June would **only be affected for (at most) half of the migration season** and then only if the survey started in June."

Inussiarnersumik inuulluaqqusillunga

Uiloq Mulvad Jessen

Pinngortitamut Avatangiisinullu immikkoortortaqaarfik

Toqq 6708

irum@nanog.gl